

## Linker kolom

Nv willic v doen te verstande  
hoe ghy moghet weten bi der **mane**  
die met ziechede wort beuaen  
Of hi der **dood** mach ontghaen  
het was een meester in ouden tiden  
so vroet elc[en] so en was nie ziden  
als die zelue meester was  
gheheeten was hi **pytagoras**

So welken tyt dat die mensche ontfaet  
een euel doet minen raet  
en[de] merct den zeluen dach  
daer hem dat euel eerst up wacht of comt  
hiest een **zondach** zo neemt j  
hiest een **maendach** zo neemt ij  
hiest een **disendach** zo neemt iij  
viere zulre **zwondags** bliuen.  
**sdonresdaghes** zo neempter v  
vi neempter upten **vryndach**.  
en[de] vij upten **zaterdag**.  
dit **ghetal** hout wel  
daer na merckt en[de] niet el  
hoe hout was doe die **mane**  
doe hem teuel eerst cam hane  
slaet te gadere die **ghetale**  
danne spreect sine name wale  
dien hi inde vonte onfinc.  
In a b c dat staet in den rinc.  
die **ghetale** di[r]e o[m]me staen.  
sulti in eene somme slaen.  
die zelue l[e]re di[r]e toebehoren  
te zi[r]e name syn vercoren.

Als van den Jare den eersten dach  
comt upten **zondach**  
so es die **winter** laeu bi stonden  
herest en[de] zomer worden vonden  
moeijelic van groten winde.  
goede tyt salmen vinden  
en[de] oec alrande coren  
die terwe bliuet verloren  
die winghaert wort welgheraect

[linkermarge: id[em]]

## Rechter kolom

Daer die oeuchstvrucht wort mesraect  
Jongheliede zullen **steruen** ze[r]e

rudd[er]e zullen co[m]men die eere  
torienten en[de] orloghen zee[re] vele  
en[de] die dieve zullen stelen.  
vele niemaren salmen bringhen  
van princen en[de] van coninge

So welken tijt dat Jaer gaet In.

upten maendach meer no min  
so zal die winter zijn ghemaent.  
die lentin goet zonder wanc. (?)  
ende die zomer ghetempert wel.  
vele volx zal van euele wesen ribel  
die trage zullen lettelt gheriesen  
het zal zijn vreesse onder die liede  
vrouwen zullen doen o[m]me mieden  
tribulacien zal zijn [geknoei: groot] groot  
landshee[re]n zullen [bli]uen doet  
wandelinghe zal [van] hee[re]n zijn  
ende stryten en[de] orloghe upten rijen  
landshee[re]n vele in striden verderuen  
en[de] beesten vele steruen

Comt hi sdisendaghes so merct [dat jare]  
die winter zal wesen sterc  
die lentin waeijhende ende wac  
die zomer reijnich en[de] onghemac  
salmen van tempeesten doghen.  
en[de] die eerst zal zee[re] droghen.  
de taerwe zal vele verderuen.  
der wiuen zullen vele steruen.  
ende vele volx steruen van der gadoot  
scepe zullen ebben noot.  
coninge zullen steruen  
of vrucht vele verderuen  
het zullen wesen vele brande  
en[de] groot v[er]oeij achterlande.  
honech en[de] hoeij wort wel ghe[raect]  
rome wort met vreesen mesm[aect]

Upten wonsdach wort [goet coren]  
Winghaerts bliuets vele [verloren]